

შპს „წყალთა სახეობის ცენტრი - ტონუსი“

გამარტივებული ელექტრონული ტენდერი

45442180 - სარემონტო სამუშაოები

ტექნიკური და სხვა მოთხოვნები

1. ინსტრუქცია ტენდერში მონაწილეობისათვის

1.1. სახელმწიფო შესყიდვების ერთიან ელექტრონულ სისტემაში (შემდგომში – სისტემა) შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“ და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანების შესაბამისად.

1.2. ყველა დოკუმენტი ან/და ინფორმაცია წარმოდგენილ უნდა იქნეს ორიგინალის სახით (ასლის შემთხვევაში ნოტარიულად დამოწმებული ასლი) ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

1.3. დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

1.4. სახელმწიფო შესყიდვების ერთიან ელექტრონულ სისტემაში (შემდგომში – სისტემა) ატვირთული ყველა დოკუმენტი ან/და ინფორმაცია ხელმოწერილი ან/და ბეჭედდასმული (ბეჭდის არსებობის შემთხვევაში) უნდა იყოს უფლებამოსილი პირის მიერ (საჭიროების შემთხვევაში ატვირთულ უნდა იქნას მინდობილობა ან რწმუნებულობა).

1.5. სახელმწიფო შესყიდვების შესახებ ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

2. შესყიდვის ობიექტი: შპს „წყალთა სახეობის ცენტრი - ტონუსი“-ს ტერიტორიაზე სარემონტო სამუშაოების შესყიდვა.

აღწერილობა და ტექნიკური პარამეტრები: ტექნიკური პარამეტრები, სრული აღწერილობა და ჩამონათვალი იხ. დანართი 2.

3. სავალდებულო მოთხოვნები:

3.1. შესრულებულ სამუშაოზე უნდა ვრცელდებოდეს მინიმუმ 3 (სამი) წლიანი საგარანტიო პერიოდი (მიღება-ჩაბარების აქტის გაფორმებიდან), რომლის განმავლობაშიც მიმწოდებელი ვალდებულია განახორციელოს გამოვლენილი ხარვეზებისა და წუნის გამოსწორება შემსყიდველის მხრიდან, რაიმე დამატებითი ხარჯის გაწევის გარეშე.

3.2. მიმწოდებელი ვალდებულია სამუშაოების შესრულებისას გამოიყენოს მაღალი ხარისხის მასალები და ნაკეთობები და მასალების ფერები შეათანხმოს შემსყიდველთან.

3.3. ტენდერში მონაწილეობის მისაღებად პრეტენდენტს შესრულებული 2014-2016 წლებში უნდა ჰქონდეს შემსყიდველის სატენდერო დოკუმენტაციით გათვალისწინებული ანალოგიური ხასიათის, სირთულისა და შინაარსის 1 ხელშეკრულებით გათვალისწინებული სამუშაოები, მოცულობით არანაკლებ 20000 (ოცი ათასი) ლარის ოდენობისა. აღნიშნულის დასტურად პრეტენდენტმა ერთიან ელექტრონულ სისტემაში ტექნიკურ დოკუმენტაციასთან ერთად უნდა ატვირთოს თითოეულ შესრულებულ სამუშაოზე დამკვეთთან გაფორმებული ხელშეკრულებები და მიღება-ჩაბარების აქტები ან მათი ტოლფასი დოკუმენტების ასლები.

3.4.პრეტენდენტის მიერ 2014-2016 წლებში ანალოგიურ მომსახურებაზე გაფორმებული ხელშეკრულებების შესაბამისად შესრულებული სამუშაოების ჯამური ღირებულება უნდა შეადგენდეს არანაკლებ 50000 (ორმოცდაათი ათასი) ლარი და 00 თეთრს. აღნიშნული ხელშეკრულება და მათი შესრულების დამადასტურებელი დოკუმენტები უნდა ატვირთული იქნას ერთიან ელექტრონულ სისტემაში.

4. ანგარიშსწორების ფორმა, ვადები და პირობები

4.1. მიმწოდებლის მიერ შემოთავაზებული ფასები უნდა იყოს საბოლოო და შეიცავდეს შესყიდვის ობიექტის მიწოდებასთან დაკავშირებულ მიმწოდებლის ყველა ხარჯს, მათ შორის კანონმდებლობით გათვალისწინებულ გადასახადებს.

4.2. ანგარიშსწორება მოხდება უნაღდო ანგარიშსწორების წესით ეროვნულ ვალუტაში.

4.3. ანგარიშსწორება განხორციელდება მხარეთა მიერ ხელშეკრულებით გათვალისწინებული მომსახურების მიწოდების ხელმოწერილი მიღება-ჩაბარების აქტის შედგენის შემდეგ 10 კალენდარული დღის ვადაში.

4.4. ავანსის გაცემა შესაძლებელია მიმწოდებლის მოთხოვნის შესაბამისად. ავანსის თანხა არ უნდა აღემატებოდეს ხელშეკრულებით გათვალისწინებული თანხის 50% და მიმწოდებელმა უნდა წარმოადგინოს შესაბამისი გარანტია

4.5. პრეტენდენტი წინადადების ფასში არ ითვალისწინებს დღგ-ს მიუხედავად იმისა, არის თუ არა ის დღგ-ს გადამხდელი საქართველოს კანონმდებლობის შესაბამისად. შერჩევა-შეფასება განხორციელდება წარმოდგენილი წინადადების ფასების მიხედვით. შემსყიდველი ორგანიზაცია ხელშეკრულების ღირებულებაში გაითვალისწინებს სატენდერო წინადადების ფასის შესაბამის დღგ-ს ოდენობას, თუ ხელშეკრულების დადების მომენტისთვის პრეტენდენტი არის დღგ-ს გადამხდელი საქართველოს კანონმდებლობის მოთხოვნათა შესაბამისად.

5. სამუშაოების შესრულების ვადა, ადგილი და პირობები

5.1. მიმწოდებელმა სამუშაოები უნდა განახორციელოს შემდეგ მისამართზე: ქ. თბილისი, კოსტავას 68.

5.2. სამუშაოს შესრულების ვადებია: ხელშეკრულების დადების დღიდან არაუგვიანეს 5 სექტემბრამდე.

6. პრეტენდენტებმა ტექნიკური დოკუმენტაციის სახით სისტემაში უნდა ატვირთონ შემდეგი დოკუმენტები და ინფორმაცია:

6.1. რეკვიზიტები დანართი 1-ის მიხედვით.

6.2. შესასრულებელი სამუშაოს „ხარჯთაღვრიცხვა“ დანართი #2-ის შესაბამისად.

6.3. ტენდერში მონაწილეობის მისაღებად პრეტენდენტს შესრულებული 2014-2016 წლებში უნდა ჰქონდეს შემსყიდველის სატენდერო დოკუმენტაციით გათვალისწინებული ანალოგიური ხასიათის, სირთულისა და შინაარსის 1 ხელშეკრულებით გათვალისწინებული სამუშაოები, მოცულობით არანაკლებ 20000 (ოცი ათასი) ლარის ოდენობისა. აღნიშნულის დასტურად პრეტენდენტმა ერთიან ელექტრონულ სისტემაში ტექნიკურ დოკუმენტაციასთან ერთად უნდა ატვირთოს თითოეულ შესრულებულ სამუშაოზე დამკვეთთან გაფორმებული ხელშეკრულებები და მიღება-ჩაბარების აქტები ან მათი ტოლფასი დოკუმენტების ასლები.

6.4. პრეტენდენტის მიერ 2014-2016 წლებში ანალოგიურ მომსახურებაზე გაფორმებული ხელშეკრულებების შესაბამისად შესრულებული სამუშაოების ჯამური ღირებულება უნდა შეადგენდეს არანაკლებ 50000 (ორმოცდაათი ათასი) ლარი და 00 თეთრს. აღნიშნული ხელშეკრულება და მათი შესრულების დამადასტურებელი დოკუმენტები უნდა ატვირთული იქნას ერთიან ელექტრონულ სისტემაში.

7. ფასწარმოქმნის ადეკვატურობის დასაბუთება (ასეთის მოთხოვნის შემთხვევაში)

7.1. იმ შემთხვევაში თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, პრეტენდენტი ვალდებულია უზრუნველყოს ფასწარმოქმნის ადეკვატურობის დასაბუთება და დაფიქსირებულ ფასად ხელშეკრულებით ნაკისრი ვალდებულებების შესრულების შესაძლებლობა. აღნიშნულის თაობაზე პრეტენდენტი ვალდებულია შემსყიდველის მიერ განსაზღვრულ გონივრულ ვადაში (არაუგვიანეს 10 სამუშაო დღისა) უზრუნველყოს შესაბამისი დასკვნის წარმოდგენა, რომელიც გაცემული უნდა იყოს ლევან სამხარაულის სახელობის სასამართლო ექსპერტიზის ეროვნული ბიუროს ან სხვა აკრედიტებული პირის ან დამოუკიდებელი სერტიფიცირებული აუდიტორის მიერ.

8. დამატებითი ინფორმაცია

8.1. პრეტენდენტს არა აქვს უფლება წარმოადგინოს ალტერნატიული სატენდერო წინადადება.

8.2. პრეტენდენტის მიერ წარმოდგენილი სატენდერო წინადადება და სატენდერო დოკუმენტაცია დამოწმებული უნდა იყოს უფლებამოსილი ან მისი ნდობით აღჭურვილი (სათანადო წესით დამოწმებული მინდობილობის საფუძველზე) პირის ხელმოწერითა და/ან ბეჭდით.

8.3. საკონტაქტო პირი: გახოკიძე შოთა 593 33 01 40

დანართი #1

რეკვიზიტები:

პრეტენდენტის იურიდიული ფორმა და დასახელება:

ხელმძღვანელის სახელი დაგვარი:

პრეტენდენტის იურიდიული ან/და ფაქტიური მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული მისამართი:

ბანკის დასახელება:

ბანკის კოდი:

საბანკო ანგარიშის ნომერი:

ხელმოწერა/ზეჭედი

პრეტენდენტის მიერ შესრულებული ანალოგიური სამუშაოები

#	სატენდერო განცხადების ნომერი	შემსყიდველი ორგანიზაციის დასახელება	გაწეული მომსახურება	ხელშეკრულების ღირებულება	ხელშეკრულებ ის გაფორმების თარიღი	დასრულების თარიღი
1						

პრეტენდენტის ხელმოწერა/ბეჭედი

სახელმწიფო შესყიდვის ხელშეკრულების პროექტი

ხელშეკრულება №.....

SPA.....

45442180 - სარემონტო სამუშაოები

ქ. თბილისი

..... 2016 წელი

ხელშეკრულების დამდები მხარეები შპს „წყალთა სახეობის ცენტრი - ტონუსი“ (მის: ქ. თბილისი, კოსტავას ქ. 68, ს/კ 205267085, საბანკო რეკვიზიტები: ს.ს. „თბილისი ბანკი“, ბანკის კოდი TBCBGE22, ა/ა GE33TB7635436020100002) შემდგომში „შემსყიდველი“, წარმოდგენილი მისი დირექტორის ნოდარ რაფაეას სახით და

მიმწოდებელი (მის:, ს/კ, საბანკო რეკვიზიტები:) შემდგომში „მიმწოდებელი“, ორივე ერთად წოდებული როგორც „მხარეები“, ვმოქმედებთ რა „სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის „რ“ ქვეპუნქტის შესაბამისად, ვდებთ წინამდებარე ხელშეკრულებას შემდეგზე:

1. ხელშეკრულების საგანი

1.1. შპს „წყალთა სახეობის ცენტრი - ტონუსი“-ის მიერ გამარტივებული ელექტრონული ტენდერის საშუალებით ქ. თბილისი, კოსტავას ქ. 68, სარემონტო სამუშაოების შესყიდვა.

1.2. ხელშეკრულებით გათვალისწინებული შესყიდვის ობიექტის აღწერა და ძირითადი მახასიათებლები მოცემულია ტექნიკურ დავალებასა და „ხარჯთაღრიცხვაში“ დანართი #2-ში.

2. ხელშეკრულების ღირებულება

2.1. ხელშეკრულების ღირებულებაა (.....) ლარი და 00 თეთრი;

2.2. ხელშეკრულების ღირებულება მოიცავს, როგორც მომსახურების ღირებულებას, ასევე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ ყველა გადასახადს;

2.3. შესყიდვა ხორციელდება საკუთარი სახსრებით.

3. ხელშეკრულების შესრულების კონტროლი

3.1. ხელშეკრულების შესრულების კონტროლს განახორციელებს შპს „წყალთა სახეობის ცენტრი - ტონუსი“-ს ტექნიკური მენეჯერი ლევან კაჭახიძე, რომელსაც შეუძლია ინსპექტირება განახორციელოს ხელშეკრულების მოქმედების ნებისმიერ ეტაპზე. ინსპექტირება გულისხმობს შესაბამისობის დადგენას ხელშეკრულებით გათვალისწინებულ ტექნიკურ პირობებთან, ხელშეკრულების პირობების შესრულებას, მიწოდებისათვის აუცილებელი პირობებისა და ნორმების დაცვას.

3.2. „შემსყიდველის“ შესაბამისი წარმომადგენელი უფლებამოსილია ჩაატაროს შესრულებული სამუშაოს ხარისხის კონტროლი და თუ აღმოჩნდება წუნი, „მიმწოდებელი“ ვალდებულია 10 (ათი) დღის ვადაში გამოასწოროს აღმოჩენილი წუნი, იმ შემთხვევაში თუ წუნის გამოსწორება შეუძლებელია და შემსყიდველს უკვე გადახდილი აქვს სამუშაოების ღირებულება, „მიმწოდებელი“ ვალდებულია დაუბრუნოს „შემსყიდველს“ შესრულებული სამუშაოების ღირებულება.

3.3. „შემსყიდველი“ ვალდებულია ოპერატიულად აცნობოს „მიმწოდებელს“ საბოლოო შემოწმების შედეგები დაწუნებული სამუშაოს ნაწილის და წუნდების მიზეზის მითითებით.

4. სამუშაოების შესრულების ვადა, ადგილი და პირობები

4.1. მიმწოდებელმა სამუშაოები უნდა განახორციელოს შემდეგ მისამართზე: ქ. თბილისი, კოსტავას ქ. 68.

4.2. სამუშაოების დასრულების სავალდებულო ვადაა: ხელშეკრულების გაფორმებიდან არაუგვიანეს 5 სექტემბრამდე.

5. ანგარიშსწორების ფორმა, ვადები და პირობები

5.1. ანგარიშსწორება მოხდება უნაღდო ანგარიშსწორების წესით ეროვნულ ვალუტაში.

5.2. ავანსის გაცემა შესაძლებელია მიმწოდებლის მოთხოვნის შესაბამისად. ავანსის თანხა არ უნდა აღემატებოდეს ხელშეკრულებით გათვალისწინებული თანხის 50% და მიმწოდებელმა უნდა წარმოადგინოს შესაბამისი გარანტია

5.3. ანგარიშსწორება განხორციელდება მხარეთა მიერ ხელშეკრულებით გათვალისწინებული საქონლის მიწოდების ხელმოწერილი მიღება-ჩაბარების აქტის შედგენის შემდეგ 10 კალენდარული დღის ვადაში.

6. გარანტია

6.1. შესრულებული სამუშაოების საგარანტიო პერიოდი: 3 (სამი) წელი რომლის განმავლობაშიც მიმწოდებელი ვალდებულია საკუთარი ხარჯებით (ტრანსპორტირების ჩათვლით) უზრუნველყოს გამოვლენილი ხარვეზისა და წუნის გამოსწორება, შეტყობინებიდან დაუყოვნებლივ.

7. ხელშეკრულების პირობების შესრულების შეფერხება

7.1. თუ ხელშეკრულების შესრულების პროცესში მხარეები წააწყდებიან ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, მხარეებმა დაუყოვნებლივ (არაუგვიანეს 1 დღის ვადაში) უნდა გაუგზავნონ ერთმანეთს წერილობითი შეტყობინება შეფერხების ფაქტის, მისი გამომწვევი მიზეზის და შესაძლო ხანგრძლივობის შესახებ. შეტყობინების მიმღებმა მხარემ შესაძლო მოკლე ვადაში უნდა აცნობოს მეორე მხარეს აღნიშნულ გარემოებასთან დაკავშირებით მიღებული გადაწყვეტილების შესახებ.

8. მხარეთა პასუხისმგებლობა

8.1. ხელშეკრულებით დადგენილ ვადებში სახელშეკრულებო ვალდებულების შეუსრულებლობის ან არაჯეროვანი შესრულების შემთხვევაში შემსყიდველი უფლებამოსილია დააკისროს მიმწოდებელს პირგასამტეხლო შეუსრულებელი ვალდებულების 0,2 %-ის ოდენობით ყოველი ვადაგადაცილებული დღისათვის.

8.2. იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 5 (ხუთი) პროცენტს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისათვის გადასახდელი პირგასამტეხლოს ანაზრაულება.

8.3. პირგასამტეხლოს გადახდა არ ათავისუფლებს მხარეებს ძირითადი ვალდებულებებისაგან.

9. მხარეთა უფლება-მოვალეობანი

9.1. „შემსყიდველს“ უფლება აქვს:

ა) მოსთხოვოს „მიმწოდებელს“ ხელშეკრულებით გათვალისწინებული პირობების ზუსტი და განუხრელი შესრულება;

ბ) განახორციელოს კონტროლი და ზედამხედველობა ხელშეკრულებით გათვალისწინებული პირობების შესრულებაზე;

გ) მოითხოვოს გამოვლენილი ხარვეზების აღმოფხვრა დამატებითი ანაზღაურების გარეშე. ხარვეზების აღმოფხვრელობის შემთხვევაში შეუჩეროს „მიმწოდებელს“ დაფინანსება.

დ) შეწყვიტოს ხელშეკრულება სამუშაოს ხარისხისა და/ან ხელშეკრულების პირობების გაუარესების გამო;

9.2. „შემსყიდველი“ ვალდებულია:

ა) უზრუნველყოს შესყიდვის ობიექტის ღირებულების გადახდა მე-5 პუნქტის შესაბამისად

9.3. „მიმწოდებელი“ უფლებამოსილია:

ა) მოსთხოვოს „შემსყიდველს“ შესყიდვის ობიექტის ღირებულების ანაზღაურება ხელშეკრულებით გათვალისწინებულ ვადებში;

ბ) მოსთხოვოს „შემსყიდველს“ ხელშეკრულებით გათვალისწინებული გათვალისწინებული პირობების ზუსტი და განუხრელი დაცვა;

9.4. „მიმწოდებელი“ ვალდებულია:

ა) განახორციელოს შესყიდვის ობიექტის მიწოდება ხელშეკრულების მე-4 პუნქტის შესაბამისად;

ბ) უზრუნველყოს ხელშეკრულებით გათვალისწინებული ვადების დაცვა;

გ) განიხილოს „შემსყიდველის“ პრეტენზიები და მიაწოდოს მოტივირებული პასუხი ყველა კითხვაზე, აგრეთვე დაუყოვნებლივ უზრუნველყოს აღმოჩენილი ხარვეზის გამოსწორება.

10. ხელშეკრულებაში ცვლილების შეტანა და ხელშეკრულების შეწყვეტა

10.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

10.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

10.3. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

10.4. ხელშეკრულების ერთ-ერთი მხარის მიერ პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

10.5. თუ შემსყიდველი დარწმუნდება, რომ შეუძლებელია შესასრულებელი სამუშაოების მოცულობის დასრულება ხელშეკრულებით განსაზღვრული ვადების ამოწურვამდე, იგი უფლებამოსილია ცალმხრივად, ვადაზე ადრე შეწყვიტოს ხელშეკრულება და მიმწოდებელი დააჯარიმოს ხელშეკრულების ღირებულების 10%-ის ოდენობით.

11. დაუძლეველი ძალა

11.1. მხარეები თავისუფლდებიან ხელშეკრულებით განსაზღვრული ვალდებულებების

შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.

11.2. თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებებისაგან;

11.3. თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებებისაგან;

12. დავები და მათი გადაწყვეტის წესი

12.1. ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

13. ხელშეკრულების მოქმედების ვადა

13.1. ხელშეკრულება ძალაში შედის მხარეთა უფლებამოსილი პირების ხელმოწერის დღიდან და მოქმედებს 2016 წლის 31 დეკემბრამდე ამასთან, ხელშეკრულება ინარჩუნებს იურიდიულ ძალას მხარეებისათვის მე-6 პუნქტში მითითებულ პერიოდამდე.

14. სხვა პირობები

14.1. ხელშეკრულება შედგენილია ორი თანაბარი იურიდიული ძალის მქონე ეგზემპლარად, ერთი ეგზემპლარი გადაეცემა შემსყიდველს, ხოლო მეორე მიმწოდებელს.

15. მხარეთა ხელმოწერა

შემსყიდველი

დირექტორი

ნოდარ რაფავა

მიმწოდებელი
